

2016ko MAIATZAREN 9an UDALBATZARRAK EGINDAKO APARTEKO
OSOKO BILKURAREN AKTA 6 zk.

Zarauzko udaletxeko batzar-aretoan, 2016ko maiatzaren 9an, iluntzeko zazpitan, Udalbatzarra bildu da, egun eta ordu horietarako aurretik deituta zegoen aparteko osko bilkura egiteko xedez.

Honako zinegotzi hauek bertaratu dira:

Batzarburua	Xabier Txurruka Fernandez jn.
Bertaratutako zinegotziak	Maite Garrastazu and. Jesus Arana Gomez jn. Nekane Iribar Iriondo and. Ixidor Larrañaga Ayerbe jn. Iban San Martin Hernandez jn. Miren Letamendia Belloso and. Jon Andoni Urdangarin Urrutia jn. Iratxe Zorrozuza Eguiazabal and. Mikel Goenaga Gubia jn. Naiara Carvajal Larrañaga and. Iñaki Eizagirre Eizagirre jn. Karmele Alberdi Linazasoro and. Aitor Korta Etxabe jn. Xabier Vazquez Izquierdo jn. Ane Arruti Lopetegi and. Gloria Vazquez Herranz and. Pablo Garcia Astrain jn. Ana De Benito Sanz and.
Ez dira bertaratu	Imanol Lasa Zeberio jn. Oihane Delgado Pita and.
Idazkaria	Ines Diaz de Villafranca Arzamendi and.
Kontu-hartzailea	Lioba Maiza Rekondo and.

Bilkurari hasiera emanda, **batzarburu** jaunak adierazi du bilkura apartekoa dela eta horren arrazoa dela, hain zuzen ere, TAOren sitema berria martxan jartzeko presa edukita, ezin dela itxoin hurrengo ohiko bilkura egiteko egunera arte.

Ondoren, eguneko aztergai bakarria aztertu eta eztabaidatzeari ekin dio Udalbatzarrak. Bilkura honela izan da:

GAI-ZERREDA

1.- ZARAUZKO UDALERRIKO BIDE PUBLIKO JAKINETAN IBILGAILUEN APARKAMENDUA ARAUTZEKO ORDENANTZAREN (TAO) ALDAKETA. HASIERAKO ONESPENA

2013ko maiatzaren 20an egindako osoko bilkuran, Zarauzko Udalbatzarrak onartu zuen ZARAUZKO UDALERRIKO BIDE PUBLIKO JAKINETAN IBILGAILUEN APARKAMENDUA ARAUTZEKO ORDENANTZA (TAO).

2014ko otsailaren 26an egindako osoko bilkuran Udalbatzarrak hartutako erabakiaren bidez, batetik, 4., 6., 9., 10. eta 16. artikulua eta I. eranskina -"TAOk araututako zonak"- aldatu ziren; eta, bestetik, artikulua berri bat sartu zen: 11-bis artikulua: -"Tiket bereziak"-.

2015eko azaroan partaidetzako prozesu bat egin ondoren, orain beharrezkotzat jo da ordenantza horren puntu batzuk aldatzea, dauden premiei erantzuteko, nahiz eta erreforma sakonagoa behar duen

Gobernantzako informazio-batzordeak 2016ko maiatzaren 5ean egindako bileran aztertu zituen aldaketa horiek.

Gobernantzako informazio-batzordeak aurkeztutako proposamena ikusita, Udalbatzarrak, botoen gehiengoaz,

ERABAKI DU

Lehena.- Hasierako onespena ematea ZARAUZKO UDALERRIKO BIDE PUBLIKO JAKINETAN IBILGAILUEN APARKAMENDUA ARAUTZEKO ORDENANTZA (TAO) aldatzeari, zehazten den moduan:

- Aldaketak sartu dira: 3, 4, 5, 6, 7, 9, 10, 11, 11 bis, 15 eta 16. artikuluetan, xedapen gehigarrian eta eranskinetan.
- Artikulu berri bat sortu da: 10-bis artikulua: -"Egoiliar ez diren langile eta autonomoen aparteko bereizgarria"-.

Bigarrena.- Espedientea jendaurrean jartzea, 30 eguneko epean, interesdunek erreklamazio eta iradokizunak aurkeztu ahal izan ditzaten. Jendaurreko informazio-izapidea jakitera emango da udaletxeko iragarki-taulan zein web-orrian jarriko den eta Gipuzkoako Aldizkari Ofizialean argitaratuko den iragarkiaren bidez.

Hirugarrena.- Erreklamazio edo iradokizunik aurkeztu ezean, ordenantzaren aldaketa behin betiko onartutzat hartuko da, berariazko erabakirik hartu behar izan gabe. Dena den, indarrean sartzeko, Gipuzkoako Aldizkari Ofizialean aldaketaren testu osoa argitaratu beharko da.

TESTU BERRIA:

ZARAUZKO UDALERRIKO BIDE PUBLIKO JAKINETAN IBILGAILUEN APARKAMENDUA ARAUZKEKO ORDENANTZA

3. artikulua. Ordainketa

Araututako aparkaleku moduan behar bezala seinaleztatutako leku edo bide publikoan aparkatzen bada ibilgailua, ordaindu egin beharko da, erabiltzaileak hala eskatzen ez badu ere.

Aparkaldi arautuko gunean aparkatzeko, baimena eskuratu beharko da, horretarako ezarritako sistema erabilia eta dagokion tasa ordaindu ondoren. Baimen horrekin batera aparkatzeko txartel bat emango da, edo ez.

Aparkatzeko baimenarekin batera aparkatzeko txartela ematen den kasuetan, ibilgailuaren aurreko kristalaren barnealdean ezarri beharko da txartela, kanpotik erraz irakurri ahal izateko moduan.

Dagokion ordenantza fiskalean zehaztu eta eguneratuko dira tarifak.

4. artikulua. Funtzionatzeko denboraldiak eta ordutegiak

Bi denboraldi bereizten dira:

- Udaldia (ekainaren 15etik irailaren 30era, biak barne).
- Urteko gainerako egunak.

Zirkulazio-baimena Zarautzen duten ibilgailuek dohainik aparkatu ahaliko dute araubide arrunteko **gune guztietan**, 13:00etatik 16:30era. Hori egiteko, **aparkatzeko txartela behar bada**, dagokion tiketa atera beharko da.

Udalerrri osoan egoiliarrentzat gordetako guneak indarrean egongo dira eguneko 24 ordutan eta asteko 7 egunetan.

Aparkaldi arautuak ordutegi hauek izango ditu:

- UDALDIA:

Udaldian, astelehenetik igandera, 09:00etatik 20:00etara.

Igande eta jaiegunetan, errotazio handiko guneak errotazio arrunteko guneak bezala arautuko dira, ondorio guztietarako.

- URTEKO GAINERAKO EGUNAK:

Urteko gainerako egunetan, errotazio handiko zonak eta egoiliarrentzat gordetako guneak bakarrik egongo dira indarrean udalerrri osoan.

Errotazio handiko guneetako **ordutegia** honakoa izango da: 09:00etatik 13:00etara eta 16:30etik 20:00etara astelehenetik ostiralera, eta 09:00etatik 13:00etara larunbatetan.

Denboraldien hasiera eta bukaerako egunak eta zonen ordutegiak aldatu ahal izango dira, ezohiko izaeraz, zerbitzu teknikoek hala proposatuta, trafikoko gaietan eskumena duen zinegotzi ordezkariak emandako ebazpen arrazoitu baten bidez.

- Autokarabanak aparkatzeko zona:

Urte osoan funtzionatuko du. Horretarako egokitutako azalera desberdina izango da uda garaian edo urteko gainerako egunetan, ordenantzari erantsitako dokumentazio grafikoan jasotzen den bezala. Ibilgailu horiek jarraian gehienez ere 2 egunetan aparkatu ahaliko dira. Denbora hori igaro ondoren ibilgailua mugitu egin beharko da. Ez da aparkatzeko baimen berririk emango, aurreko baimena bukatu eta 7 egun pasatu arte.

5. artikulua. Salbuespenak

Ondorengo ibilgailuek ez dituzte ordainduko bide publiko edo zona jakinetan aparkatzeko ordenantza honek araututako tasak:

- a) Motozikletak, ziklomotorrak eta bizikletak, baldin eta **araututako aparkaldirako** plazak okupatzen ez badituzte eta horrelakoak aparkatzeko egokitutako lekuetan baldin badaude.
- b) Beren kategoriarako edo jarduerarako gordetako zonetan aparkatzeko udal baimena duten ibilgailuak.
- c) Zamalanak egiteko jarritako leku eta orduetan horrelako lanak egiten ari diren merkataritzako ibilgailuak.
- d) Autotaxi ibilgailuak, gidaria bertan eta zerbitzuan dagoenean.
- e) Hiletetako ibilgailuak, zerbitzuan daudenean.
- f) Larrialdietako ibilgailuak: anbulantziak, su-hiltzaileak, Gurutze Gorria, DYA eta polizia; horiek guztiak zerbitzuan daudenean.
- g) Barruan gidaria edo bidaiariren bat duen ibilgailu automobila, aparkaldia bost minutu baino gutxiagokoa denean.
- h) Mugikortasun urriko pertsonen jabetzako ibilgailuak edo bereziki egokitutakoak, zirkulazio baimena dutenak eta beren titularrek erabiltzen dituztenean, baldin horrelakoak aparkatzeko lekuetan aparkatuta badaude. Horretarako bereizgarria indarrean duten ibilgailuak.
- i) Zerbitzu publikoei atxikitako ibilgailuak, behar bezala errotulatu eta identifikatuak, zerbitzuan daudenean.

6. artikulua. Araubide bereziko aparkalekuak

Zerbitzua arautzeko, aparkaleku-araubide bereziko ondorengo zonak ezarri dira, eta honakoen arabera arautuko dira:

1. Egoiliarrentzat gordetako zonak:

Dagokion zonan bizi diren pertsonen ibilgailuak soilik aparkatzeko izango dira **horrela seinaleztatutako guneak**, betiere, **7, 8, 9, 10, 11 edo 12. artikuluetan** araututako aparkaleku-bereizgarriren bat baldin badute.

1 zonako bereizgarria duten ibilgailuek Salberdin izenarekin ezagutzen den aparkalekuan aparkatu ahalko dute, azken zona horretan bizi direnen eskubide berdinekin.

Egoiliar txartela duen ibilgailu orok beste edozein gunetan egoiliarrentzat gordetako zonetan aparkatu ahalko du, gehienez ordubetez eguneko, eta urteko edozein garaitan. Baimendutako denbora ezingo da, inolaz ere, luzatu edo zaitu. Jartzen den sistemak hala eskatzen badu, dagokion txartela atera beharko da.

2. Errotazio handiko zonak:

Aparkaldia gehienez 90 minutukoa izango da ibilgailu guztientzat. Denbora hori igaro ondoren 16. artikuluan aurreikusitako neurriak aplikatuko dira.

Ibilgailu guztiak bete beharko dituzte zona horietan aparkatzeko denboraren mugak eta ordaintzeko betebeharra, bai eta ordenantza honetan aurreikusitako bereizgarriren bat duten ibilgailuek ere.

Araubide Bereziko Aparkalekuen kokapen zehatza ezarriko da, ezohiko izaeraz, Trafiko arloan eskumena duen zinegotzi ordezkariaren erabaki arrazoituaren bidez, zerbitzu teknikoek hala proposatuta.

3.- Udaldian aparkatzeko zona bereziak.

Ibilgailuak gune horietan aparkatu ahalko dira ordenantza fiskaletan araututako tiketa lortuta.

7. artikulua. Egoiliarren bereizgarria

Oro har, etxebizitza bakoitzeko hiru egoiliar-txartel eman ahal izango dira. Hala ere, Udalak mugikortasun urria edo bestelako arazo bereziak direla-eta egoiliarrentzat aparteko bereizgarriak eman ditzake.

Egoiliarrentzako bereizgarria emateak dagokion Ordenantza Fiskalean ezarritako tasa sorraraziko du.

Zarauzko Udalak egoiliar bereizgarriak emango dizkie honako baldintzak betetzen dituzten ibilgailuei:

- a) Ibilgailuaren titularra Zarautzen erroldatutako pertsona fisikoa izatea eta dagokion zonan inskribatutako etxean bizi izatea.

Probintziako Trafiko Buruzagitzak emandako zirkulazioko baimenean agertzen den pertsona hartuko da ibilgailuaren jabetzat.

- b) Ibilgailua Zarauzko Ibilgailuen Zirkulazioaren gaineko Zergaren erroldan alta emanda egotea eta aurreko ataletan adierazitako titulartasuna eta helbidea bat etortzea. Gainera zerga hori ordainduta eduki beharko da.
- c) Udalak jarritako trafiko isunik izanez gero hori ordainduta izatea. Arau hau etxebizitza bereko ibilgailuei aplikatuko zaie, baldin horren titulartasun-aldaketarik gertatu ez bada.
- d) Dagokion Ordenantza Fiskalean egoiliarrentzako bereizgarria lortzeko jarritako tarifa ordaintzea.

9. artikulua. Jarduera ekonomikoekin lotutako ibilgailuen aparteko bereizgarria

Jarduera ekonomikoekin lotutako ibilgailuei aparteko bereizgarria eman ahal izango zaie ondoko baldintzak betetzen dituen eta dagokion zonan dagoen entitate juridiko edo fisikoari:

- a) Ibilgailuaren titularra pertsona juridiko edo fisikoa izatea eta jardueraren helbidea araututako zonan eta sektorean egotea. Gainera enpresa edo jarduera horrek jardueraren aurrekomunikazioa eginda eduki behar du Udalean, edo establezimendua irekitzeko lizentzia eduki behar du, edo jarduera legeztatze prozesuan dagoela justifikatu behar du.

Epigrafe honetan sartzen dira, baita ere, Zarauzko Udal Merkatuko salmenta-postu ez finkoetako esleipendunak.

- b) Ibilgailua Zarauzko Ibilgailuen Zirkulazioaren gaineko Zergaren erroldan alta emanda egotea eta aurreko ataletan adierazitako titulartasuna eta helbidea bat etortzea. Gainera zerga hori ordainduta eduki beharko da.

Probintziako Trafiko Buruzagitzak emandako zirkulazioko baimenean agertzen den pertsona hartuko da ibilgailuaren jabetzat. **Zarauzko Udal Merkatuko salmenta-postu ez finkoetako esleipendunek ez dute baldintza hau bete beharrik izango.**

- c) Bere jardueraren izaera berezia dela-eta, ibilgailua etengabe erabili behar izatea. Ibilgailuaren beharra justifikatu egin beharko da. Udalaren irizpidearen mende egongo da aparteko bereizgarria emateko erabakia.

Behar bezala erregistratutako profesional taldeek (gremioek), aparteko kasuetan, euren jarduerarako ibilgailuaren beharra badute, bereizgarri horrek eskubidea emango die araututako zona guztietan aparkatzeko, euren helbide sozialaren kokapen-guneaz gain. Eskubidea emango die, baita ere, egoiliarrentzako araubide bereziko guneetan aparkatzeko, 19:00ak arte.

Aparteko kasuetarako bereizgarriak, ordea, ez du eskubiderik ematen jaiegun eta larunbatetan eguerdiko 13:00etatik aurrera euren zonatik kanpo aparkatzeko. Aparteko kasuetan soilik eman ahalko du organo eskudunak ordutegi horretatik kanpo aparkatzeko baimena.

- d) Udalak jarritako trafiko isunik izanez gero, hori ordainduta izatea. Arau hau entitate juridiko edo fisiko bereko ibilgailuei aplikatuko zaie.
- e) Jarduera ekonomikoentzat aparteko bereizgarria lortzeko, dagokion Ordenantza Fiskalean jarritako tarifa ordaintzea.

Jarduera bakoitzeko gehienez hiru bereizgarri eman ahalko dira. Salbuespenezko kasuetan, hiru bereizgarri baino gehiago eman ahalko dira. Kasu horiek bereziki aztertu eta erabakiko ditu baimendutako kudeaketa-organoak.

Zarauzko Udal Merkatuko salmenta-postu ez finkoetako esleipendunen kasuan, bereizgarri bakarria emango da salmenta-postu bakoitzeko.

10. artikulua. Udaldiko bereizgarria

Udaldian herrira etortzen diren pertsonen euren etxebizitza (jabetzakoa edo alokatua) aparkaleku-zerbitzu arautua duen ingururen batean badute, zona arautuan aparkatzeko baimena emango dien bereizgarria lortu ahal izango dute, tiketa erosi beharrik gabe eta aparkatzeko denbora mugarik gabe.

Bereizgarri hori une horretan indarrean dauden ordenantza fiskalen arabera baimendu daitekeen ibilgailu kopururako izango da. Bereizgarri hori emateko, 15 egun baino gehiago pasatu behar dira herrian.

Bereizgarri hori lortu nahi duten pertsonen ondorengo baldintzak bete beharko dituzte:

- a) Araututako zonaren mugapean inskribatuta dagoen etxebizitza baten jabe edo errentari izatea

- b) Ibilgailuaren jabe izatea. Probintziako Trafiko Buruzagitzak emandako zirkulazioko baimenean agertzen den pertsona hartuko da ibilgailuaren jabetzat.
- c) Udalak jarritako trafiko isunik izanez gero, hori ordainduta izatea.
- d) Udaldiko bereizgarria lortzeko dagokion Ordenantza Fiskalean jarritako tarifa ordaintzea.

Ez zaie udaldirako aparkatzeko bereizgarririk emango, TAO zonan aparkatzeko baimena duten ibilgailuen titularrekin batera herriko etxebizitzetan udaldia pasatzen duten pertsonen.

Eskaera, etxebizitzaren jabeak egin beharko du.

10 bis artikulua. Egoiliar ez diren langile eta autonomoen aparteko bereizgarria.

Herrian erroldatuta ez daudenek baina bertan lan egiten dutenek uda partean aparkatzeko bereizgarria eskatzeko aukera izango dute.

Hilabeterokoa izango da, eta ezingo da zatitu.

Bereizgarriak zona bakarrerako balioko du; eskatzaileak zehaztuko du lekua..

1 Zonako eskatzaileek Herrikosoro kalean bakarrik izango dute aparkatzeko aukera.

Bereizgarria indarrean egongo da langilearen kontratuak dirauen bitartean, astelehenetik ostiralera edo astelehenetik igandera, kontratu horren baldintzen arabera.

Bereizgarria eskuratu nahi duten pertsonen ondorengo baldintzak bete beharko dituzte:

- a) Indarrean duten lan kontratua aurkeztea. Autonomoen kasuan, berriz, Zarautzen Jarduera Ekonomikoen Gaineko Zergan alta emanda izatea eta zehaztutako zonaren barruan jarduera burutzeko lokal edo etxe bat alokatuta edo jabetzan izatea.
- b) Ibilgailuaren jabea izatea. Probintziako Trafiko Buruzagitzak emandako zirkulazioko baimenean agertzen den pertsona hartuko da ibilgailuaren jabetzat.
- c) Udalak jarritako trafiko isunik izanez gero, hori ordainduta izatea.
- d) Dagokion Ordenantza Fiskalean bereizgarria lortzeko jarritako tarifa ordaintzea.
- e) Eskaera urtero berri beharko da.

11. artikulua. Arautu gabeko zonetako egoiliarren eta inguruko udalerrietako egoiliarren bereizgarria

- a) Zarautzen erroldatutako pertsonak izanik, ordenantza honek arautzen dituen aparkaleku-zonen mugetatik kanpo bizi direnek ere aparkatzeko bereizgarria eskuratu ahaliko dute. Bereizgarri horrek baimena emango die araututako zona batean aparkatu ahal izateko, tiketa lortu gabe eta denbora mugarik gabe.

Bereizgarria gehienez bi ibilgailurentzat izango da, eta zona bakar baterako. Eskatzaileak zehaztuko du zein zona aukeratzeko duen, **1 zona izan ezik**.

Bereizgarria eskuratu nahi duten pertsonen **7 edo 8 artikuluetan** adierazitako baldintzak bete beharko dituzte, honako hau izan ezik: ordenantza honek arautzen duen zona berean egoiliar izateari buruzkoa.

- b) Aiako Laurgain, Elkano eta Urdaneta auzoetan eta Getariako eta Zumaiako Meaga auzoan, II. eranskinean zehaztutako katastro-partzeletan erroldatutako pertsonak.

Bereizgarriak ibilgailu bakarrantzat balioko du eta 4 zonarako.

Bereizgarria eskuratu nahi duten pertsonen ondorengo baldintzak bete beharko dituzte:

- c) II. eranskinean zehaztutako katastro-partzeletakoren batean erroldatuta egotea.
- d) Ibilgailuaren jabe izatea. Probintziako Trafiko Buruzagitzak emandako zirkulazioko baimenean agertzen den pertsona hartuko da ibilgailuaren jabetzat.

- e) Udalak jarritako trafiko isunik izanez gero, hori ordainduta izatea.
- f) Dagokion Ordenantza Fiskalean bereizgarria lortzeko jarritako tarifa ordaintzea.
- g) Eskaera urtero berritu beharko da.

11 bis artikulua. Tiket bereziak

Udaldian eguneko edo frakzioko tiketak edo tiket bereziak lortu ahalko dira, honako kasu hauetan:

- a) Bizitoki publikoaren erabilera duten establezimenduek, aldi baterako ostatua emateko direnak (hotelak, hostalak, egoitzak, pentsioak, apartamentu turistikoak, etab.), eguneko tiketak lortu ahalko dituzte, araubide arrunteko guneetan aparkatzeko.

Tiket horrekin aukera izango dute establezimendua dagoen gunean (eta 1 zonaren barruan dagokion sektorean) egun osoz aparkatzeko. Establezimenduko bezeroek soilik erabili ahalko dute tiket hori. Tiketak behin erabiltzeko izango dira, eta tiket hori lortzeko, erabiltzaileak kode bat sartu beharko du parkimetroan.

Baimen edo kode horiek aparkamendu arautuaren zerbitzua kudeatzen duen enpresaren bulegoetan lor daitezke. Baimen horiek lortzeko, eskatzaileak frogatu beharko du jarduera egiteko behar diren betebeharrak administratiboak betetzen dituela (irekitzeko lizentzia, aurrekomunikazioa edo horretarako gaitzen duen beste edozein titulu).

Arautu gabeko guneetan dauden establezimenduek ezingo dute eguneko tiket hori lortu.

- b) Etxebizitza bakoitzeko eguneko edo 4 orduko kode edo tiket kopuru jakin bat lortu ahalko da. Tiket horrek aukera emango du etxebizitza dagoen gunean araubide arrunteko guneetan aparkatzeko. Tiketak behin erabiltzeko izango dira, eta tiket hori lortzeko, erabiltzaileak kode bat sartu beharko du parkimetroan.

Baimen edo kode horiek aparkamendu arautuaren zerbitzua kudeatzen duen enpresaren bulegoetan lor daitezke.

Etxebizitza ez badago **araututako gune batean**, ezingo dute eguneko tiketa edo frakzioa erosi. Baimen horiek lortzeko Ondasun Higiezinaren gaineko Zergaren kopia aurkeztu beharko da.

- c) Aldi baterako ostatua emateko ez diren merkataritzako establezimenduek ere kode batzuk lortu ahalko dituzte, aparkamendu arautuaren zerbitzua kudeatzen duen enpresaren bulegoetan. Kode horien bidez, dohainik aparkatzeko denbora ematen duen tiketa atera dezakete erabiltzaileek. Tiket hori soilik establezimenduko bezeroek erabili ahalko dute.

Tiketak behin erabiltzekoak izango dira, eta erabiltzaileak egiten duen hurrengo aparkamenduan erabili ahalko du. Tiketa lortzeko, erabiltzaileak kode bat sartu beharko du parkimetroan. TAO araubideko edozein zonatan erabili ahalko da, bai araubide arrunteko guneetan eta bai errotazio handiko guneetan ere, bi ordutik gorako tiketak izan ezik, horiek ezingo baitira errotazio handiko guneetan erabili.

Baimen edo kode horiek aparkamendu arautuaren zerbitzua kudeatzen duen enpresaren bulegoetan lor daitezke. Baimen horiek lortzeko, eskatzaileak frogatu beharko du jarduera egiteko behar diren betebeharrak administratiboak betetzen dituela (irekitzeko lizentzia, aurrekomunikazioa edo horretarako gaitzen duen beste edozein titulu).

Arautu gabeko guneetan dauden establezimenduek ezingo dute eguneko tiket hori lortu.

15. artikulua. Betebeharrak

Bide publiko eta aparkalekuetan aparkatzeko, ordenantza honetako 2. artikuluan adierazitako arau orokor eta zehatz guztiak beteko dira, ibilgailuak aparkatzeko seinale guztiak errespetatutako dira, eta, gainera, ondorengo edozein agiri lortuko da:

- a) Oro har, dagokion tasa ordaindu ondoren, aparkatzeko txartel bat emango da, edo ez
- b) Ibilgailuaren aurreko kristalaren barnealdean ezarri beharko da txartela, kanpotik erraz irakurri ahal izateko moduan..
- c) Mugikortasun urriko pertsonentzako aparkatzeko bereizgarria (MM biñeta), ibilgailuaren aurreko haizetakoaren barrualdean itsatsi beharko dena, kanpotik erraz irakurtzeko.

16. artikulua. Zigor araubidea

1. Trafikoko arau-haustetzat hartuko da ordenantza honen edozein artikulua urratzea, hala nola Alkatetza-Lehendakariak ordenantza honi buruz erabakitako ebazpenak haustea, eta, ezarritako legezko prozeduraren bidez, zigorra jarriko da.

2. Behar bezala eskatuz gero, ibilgailuaren titularrak arau-haustea egin duen gidari erantzulea zein den identifikatu behar du eta, dagokion prozedurazko izapidean justifikaziorik gabe obligazio hau bete ezean, berari jarriko zaio 16.3.j) artikuluan jasotako arau-haustearen zigorra.

3. Arau-hausteak:

- a) Aparkatzeko tiketean agertzen den gehienezko denbora pasatzea.
- b) Ordenantza honetan adierazitako tiket edo txartelik gabe aparkatzea.
- c) Aparkatzeko gehienezko denbora bukatu eta bi orduko epea pasa gabe zona berean aparkatzea, Osakidetzako Osasun Zentroa inguratzen duen errotazio handiko gunean izan ezik. Gune horretan berriz aparkatzeko tartea 30 minutukoa izango da.
- d) Tiket edo bereizgarri manipulatu, faltsu, baliogabetu edo desegokia erabiltzea.
- e) Bereizgarrien titularrek helbide aldaketa edo ibilgailuaren eskualdatzea jakinarazteko obligazioa ez betetzea.
- f) Ordenantza honetan jasotako bereizgarriak behar den moduan ez erabiltzea.
- g) Bereizgarria emateko beharrezko den betebeharren bat ez betetzea eta Udalari horretarako jarritako epean ez jakinaraztea.
- h) Bereizgarria jaso zuen ibilgailuaren jabetza eskualdatu ondoren ere, haren bereizgarria erabiltzea.
- i) Ezintasunak dituzten pertsonentzako Europako Aparkaleku Txartelak edo, bestela, mugikortasun urriko pertsonentzako bereizgarria begi-bistan ez jartzea.
- j) Arau-haustea egin duen gidari erantzulea ez identifikatzea, aurrez eskatuta ere.
- k) Egoiliarrentzat gordetako gunean aparkatzea, zona edo sektore horretako bizilagunen bereizgarria eduki gabe.
- l) Okerreko tarifaren tiketarekin aparkatzea.
- m) Ordenantza honetan adierazitako beste edozein baldintza ez betetzea.

XEDAPEN GEHIGARRIA

Ordenantza honetan xedatu gabeko kasuetan honakoak beteko dira:

- Zarauzko Hiri-bideetako Zirkulazioaren eta Erabileraren Zenbait Alderdi Arautzeko Ordenantza (2004ko otsailaren 25ean egindako Udalbatzarrean behin betiko onartua eta 2004ko martxoaren 5eko GAOn, 44 zenbakian, argitaratutakoa).
- Aurreko Ordenantza garatzeko egiten den araudia eta aplikatzeko modukoa izan daitekeen gainerako legedia.

Trafikoko zinegotzi ordezkari eskudunak, zerbitzu teknikoek txostena egin ondoren, salbuespenezko araubideak dituzten aparkaleku-bereizgarriak erabiliz aparkatzeko baldintzak aldatu ahal izango ditu, salbuespen moduan, egun jakin batzuetarako, trafikoa erekin eta aparkalekuekin nahiz interes publikoko beste egoera batzuekin lotutako arazoak direla eta. Horrelakoetan, beharrezko diren bitartekoak erabiliko ditu, erabiltzaile guztiek erabakiaren berri izan dezaten.

II. ERANSKINA

AIA, GETARIA eta ZUMAIako katastro-partzelen zerrenda, 11 b) artikulua onorioetarako

PARTZELA ZK. / N° parcela	UDALERRIA / Municipio
6492	GETARIA

6493	ZUMAIA/GETARIA
6392	ZUMAIA
6391	ZUMAIA
6393	ZUMAIA
6491	AIA
6591	AIA
6691	AIA
6490	AIA
6590	AIA
6690	AIA
6489	AIA
6589	AIA
6689	AIA
6488	AIA
6588	AIA
6688	AIA
6587	AIA
6992	AIA
6991 (854 ZONA)	AIA
7091 (854 ZONA)	AIA
6990	AIA
6989	AIA
6889	AIA
6789	AIA
6788	AIA
6888	AIA

2.- 10. ORDENANTZA FISKALAREN (TAO) ALDAKETA. HASIERAKO ONESPENA

Gobernantzako informazio-batzordeak 10. Ordenantza Fiskala aldatzeko proposamena aurkeztu du.

Horrenbestez, Gobernantzako informazio-batzordeak egindako proposamena ikusi ondoren, Udalbatzarrak, botoen gehiengoaz,

ERABAKI DU

Lehena.- Hasierako onespena ematea 10. ORDENANTZA FISKALA, TRAKZIO MEKANIKOZKO IBILGAILUAK BIDE PUBLIKOETAN APARKATZEAGATIK ORDAINDU

BEHARREKO TASAK ARAUTZEN DITUENA (TAO), aldatzeari, Eranskinaren idazkera berriaren arabera.

Bigarrena.- Espedientea jendaurrean jartzea, 30 egun balioduneko epean, interesdunek erreklamazio eta iradokizunak aurkeztu ahal izan ditzaten, uztailaren 5eko 11/1989 Foru Arauak, Gipuzkoako Toki Ogasunak arautzen dituenak, 16. artikuluan ezartzen duenaren arabera. Jendaurreko informazio-izapidea jakitera emango da udaletxeko iragarki-taulan zein web-orrian jarriko den eta Gipuzkoako Aldizkari Ofizialean zein probintzian gehien zabaltzen diren egunkarietako batean argitaratuko den iragarkiaren bidez.

Hirugarrena.- Erreklamazio edo iradokizunik aurkeztu ezean, Ordenantza Fiskalen aldaketa behin betiko onartutzat joko da, berariazko erabakirik hartu behar izan gabe. Onartutako aldaketa Gipuzkoako Aldizkari Ofizialean argitaratu eta biharamunean jarriko da indarrean.

**10. ORDENANTZA FISKALA:
TRAKZIO MEKANIKOZKO IBILGAILUAK BIDE PUBLIKOETAN APARKATZEAGATIK
ORDAINDU BEHARREKO TASAK ARAUTZEN DITUENA**

ERANSKINA

Zerga-kuotak:

1.- Aparkatzeko bereizgarria edo baimena lortu eta, kasu bakoitzean, dagokion baldintzetan aparkatu ahal izateko, Zarauzko Udalerriko Bide Publiko Jakinetan Ibilgailuen Aparkamendua arautzeko Ordenantzan ezarritakoaren arabera, honako zerga-kuotak ezarri dira urte edo frakzio bakoitzeko:

- Egoiliarren txartela/bereizgarria, urteko bi denboraldietarako (etxebizitza bakoitzeko):

Lehenengo txartela edo bereizgarria:	30,00 euro
Bigarren txartela edo bereizgarria:	45,00 euro
Hirugarren txartela edo bereizgarria:	90,00 euro

- Egoiliarren txartela/bereizgarria, udaldirako (etxebizitza bakoitzeko):

Lehenengo txartela edo bereizgarria:	15,00 euro
Bigarren txartela edo bereizgarria:	25,00 euro
Hirugarren txartela edo bereizgarria:	60,00 euro

- Egoiliarren aparteko txartela/bereizgarria, urteko bi denboraldietarako (etxebizitza bakoitzeko):

Lehenengo txartela edo bereizgarria:	30,00 euro
Bigarren txartela edo bereizgarria:	45,00 euro
Hirugarren txartela edo bereizgarria:	90,00 euro

- Egoiliarren aparteko txartela/bereizgarria, udaldirako (etxebizitza bakoitzeko):

Lehenengo txartela edo bereizgarria:	15,00 euro
Bigarren txartela edo bereizgarria:	25,00 euro

Hirugarren txartela edo bereizgarria:	60,00 euro
---------------------------------------	------------

- Arautu gabeko zonetako egoiliarren txartela/bereizgarria, udaldirako (etxebizitza bakoitzeko):

Lehenengo txartela edo bereizgarria:	10,00 euro
Bigarren txartela edo bereizgarria:	20,00 euro

- Jarduera ekonomikoen titularren txartela/bereizgarria, urteko bi denboraldietarako (enpresa bakoitzeko):

Lehenengo txartela edo bereizgarria:	30,00 euro
Bigarren txartela edo bereizgarria:	60,00 euro
Hirugarren txartela edo bereizgarria:	90,00 euro

Laugarren txartel edo bereizgarritik aurrera, aurrekoaren prezioari 30 euro gehituko zaizkio.

- Jarduera ekonomikoen titularren txartela/bereizgarria, udaldirako (enpresa bakoitzeko):

Lehenengo txartela edo bereizgarria:	15,00 euro
Bigarren txartela edo bereizgarria:	30,00 euro
Hirugarren txartela edo bereizgarria:	45,00 euro

Laugarren txartel edo bereizgarritik aurrera, aurrekoaren prezioari 15 euro gehituko zaizkio.

- Jarduera ekonomikoekin lotuta dauden ibilgailuen txartela/bereizgarria (TAO ordenantzako 9. art.):

Lehen txartela edo bereizgarria eta hurrengoak	45,00 euro
--	------------

- Egoiliar ez diren langile eta autonomoen ibilgailuen txartel/bereizgarria (TAO ordenantzako 10 bis. art.):

txartela edo bereizgarria hilerokoa	25,00 euro
-------------------------------------	------------

- Alboko udalerrietako auzo jakinetako egoiliarren ibilgailuen txartel/bereizgarria (TAO ordenantzako 11. art.):

txartela edo bereizgarria	30,00 euro
---------------------------	------------

- Mugikortasun urriko pertsonen ibilgailuen txartela/bereizgarria: 0,00€

2.- Aparkatzeko baimena, epe jakin baterako, honako tarifa-zona hauetan:

Errotazio handiko zonetan aparkatzea, erabiltzaile guztientzat:

Denbora	Errotazioa handia
15 min.	0,00
30 min.	0,60
60 min.	1,10
90 min.	2,00
SALAKETA DEUSEZTATU: 2 orduko muga gainditu gabe	15,00
SALAKETA DEUSEZTATU: 2 orduko muga gaindituta	20,00
SALAKETA DEUSEZTATU: Tiketa jarri ez delako	20,00

Araututako gainontzeko zonetan aparkatzea, zirkulazio-baimenaren helbidea Zarautzen duten ibilgailuentzat:

Denbora	1 Zona	6 Zona	2,3, 4,5 Zona (*)	Ibilgailu industrialia
0-15 min.	0,00	0,00	0,00	0,00
15-45 min.	0,40	0,40	0,40	0,40
60 min.	0,60	0,60	0,60	0,60
90 min.	0,90	1,10	0,90	0,90
120 min.	1,40	1,80	1,40	1,20
150 min.	2,05	2,60	2,05	1,50
180 min.	2,60	3,50	2,60	2,00
210 min.	3,50	4,25	3,50	2,60
240 min.	4,35	5,30	4,35	3,25
Egun osoa	10,75	10,75	7,5	5,5
SALAKETA DEUSEZTATU (2 orduko muga gainditu gabe)	15,00	15,00	15,00	15,00
SALAKETA DEUSEZTATU (2 orduko muga gaindituta)	20,00	20,00	20,00	20,00
SALAKETA DEUSEZTATU (tiketa jarri ez delako)	20,00	20,00	20,00	20,00

(*) Salberdineko aparkalekuan, egun osoa: 7,50 €

Araututako zonetan aparkatzea, gainerako erabiltzaileentzat:

Denbora	1 Zona	6 Zona	2,3, 4,5 Zona (*)	Ibilgailu industrialia
30 min.	0,50	0,50	0,40	0,40
60 min.	1,00	1,00	0,90	0,90
90 min.	1,90	1,90	1,25	1,25
120 min.	2,40	2,40	1,75	1,75
150 min.	3,05	3,05	2,40	2,40
180 min.	3,95	3,95	2,95	2,95
210 min.	4,65	4,65	3,85	3,85
240 min.	5,80	5,80	4,75	4,75
Egun osoa	12,50	11,75	7,5	7,5
SALAKETA DEUSEZTATU (2 orduko muga gainditu gabe)	15,00	15,00	15,00	15,00
SALAKETA DEUSEZTATU (2 orduko muga gaindituta)	20,00	20,00	20,00	20,00
SALAKETA DEUSEZTATU (tiketa jarri ez delako)	20,00	20,00	20,00	20,00

(*) Salberdineko aparkalekua, egun osoa: 7,50 €

Udaldirako zona berezietan aparkatzea:

	Zona berdea
240 minutu	2,50 €
Egun osoa	5,00 €

SALAKETA DEUSEZTATU (2 orduko muga gainditu gabe)	15,00 €
SALAKETA DEUSEZTATU (2 orduko muga gaindituta)	20,00 €
SALAKETA DEUSEZTATU (tiketa jarri ez delako)	20,00 €

Tiket bereziak

20 tiketeko taloitegia, aldi baterako ostatua emateko establezimenduentzat (egun osoan aparkatzeko)	80,00 €
10 tiketeko taloitegia, etxebizitza bakoitzeko (egun osoan aparkatzeko)(*)	60,00 €
20 tiketeko taloitegia, etxebizitza bakoitzeko (4 ordutan aparkatzeko)(*)	60,00 €
1 ordu aparkatzeko tiketa, dendetako bezeroentzat	0,40 €
2 ordu aparkatzeko tiketa, dendetako bezeroentzat	1,00 €

(*) Gehienez taloitegi bat etxebizitza bakoitzeko; bi aukeretako bat hautatu beharko da.

3.- 7 zonan aparkatzeko baimena (autokarabanak): 3,00 €/eguneko

4- Txartel berria ateratzea, ibilgailua edo etxebizitza aldatzeagatik edo beste arrazoiren batengatik: 5,00 €

5.- Txanpon-txartela ateratzea: 5,00 €.

Eta aztertzeke besterik ezean, batzarburu jaunak hala aginduta, bilkurari amaiera eman diote, iluntzeko zortziak eta hamarrean, eta nik, idazkariak, horren guztiaren fede ematen dut.